



## **JAVNI POZIV za podnošenje prijava radi utvrđivanja Liste članova disciplinskih komisija**

PREDMET JAVNOG POZIVA.....	2
SVRHA JAVNOG POZIVA.....	2
OPĆI I POSEBNI UVJETI.....	2
PRIJAVA NA JAVNI POZIV .....	3
POSTUPAK SELEKCIJE KANDIDATA.....	3
UTVRĐIVANJE I VOĐENJE LISTE .....	3
STATUS POSTOJEĆE LISTE .....	4
ROK ZA PODNOŠENJE PRIJAVA I DOSTAVLJANJE DOKAZA.....	4
PRILOG 1- KRITERIJI .....	5
<i>I FAZA – FORMALNA PROVJERA PRIJAVE.....</i>	<i>5</i>
<i>II. FAZA – STRUČNA PROVJERA KANDIDATA.....</i>	<i>5</i>



Na osnovu člana 56. stav (4) Zakona o državnoj službi u Federaciji Bosne i Hercegovine („Službene novine Federacije BiH“, br. 29/03, 23/04, 39/04, 54/04, 67/05, 8/06, 4/12, 99/15 i 9/17 – Presuda Ustavnog suda Federacije Bosne i Hercegovine broj: U-13/16), u vezi sa članom 35. stav (2) Uredbe o pravilima disciplinskog postupka za disciplinsku odgovornost državnih službenika u organima državne službe u Federaciji Bosne i Hercegovine („Službene novine Federacije BiH“, br. 72/04, 75/09, 17/21, 55/21 i 15/23), direktor Agencije za državnu službu Federacije Bosne i Hercegovine, objavljuje

## **JAVNI POZIV**

### **za podnošenje prijava radi utvrđivanja Liste članova disciplinskih komisija**

#### **PREDMET JAVNOG POZIVA**

Ovim Javnim pozivom pokreće se postupak utvrđivanja Liste članova disciplinskih komisija za vođenje disciplinskih postupaka protiv državnih službenika (u daljem tekstu: Lista) koji obuhvata: utvrđivanje ispunjenosti općih i posebnih uslova prijava, provjeru stručne osposobljenosti kandidata, kao i ocjenu njihove sposobnosti za samostalno, zakonito i nepristrasno postupanje u disciplinskim predmetima.

#### **SVRHA JAVNOG POZIVA**

Svrha javnog poziva je utvrđivanje Liste stručnih kandidata radi zakonitog i nepristrasnog vođenja disciplinskih postupaka u organima državne službe.

#### **OPĆI I POSEBNI UVJETI**

Na javni poziv mogu se prijaviti kandidati koji, pored općih uslova propisanih članom 25. Zakona o državnoj službi u Federaciji Bosne i Hercegovine („Službene novine Federacije BiH“, br. 29/03, 23/04, 39/04, 54/04, 67/05, 8/06, 4/12, 99/15 i 9/17 – Presuda Ustavnog suda Federacije BiH broj: U-13/16) ( u daljem tekstu: Zakon), ispunjavaju i sljedeće posebne uslove:

- a) da ima univerzitetsku diplomu ili druge obrazovne ili akademske kvalifikacije najmanje VII stepena stručne spreme, odnosno visoko obrazovanje prvog ciklusa (koji se vrednuje sa najmanje 240 ECTS bodova) ili drugog ili trećeg ciklusa Bolonjskog sistema studiranja.
- b) da imaju najmanje pet (5) godina radnog iskustva u struci nakon sticanja VSS, i to na poslovima koji uključuju: primjenu i izradu propisa iz državne službe, upravnog postupka te radnih odnosa i disciplinske odgovornosti, kao i učešće u radu komisija u organima državne službe ili u vođenju postupaka iz tih oblasti.

## **PRIJAVA NA JAVNI POZIV**

Prijava na javni poziv podnosi se isključivo putem online obrasca, čiji je link dostupan na: <https://eispit.adsfbih.gov.ba/active-poll/1192>

Online obrazac obavezno sadrži podatke o kandidatu, i to:

- a) ime i prezime,
- b) datum rođenja,
- c) ime jednog roditelja,
- d) kontakt telefon i e-mail adresu,
- e) podatke o stečenom obrazovanju (stepen stručne spreme i naziv visokoškolske ustanove),
- f) profesionalni status kandidata,
- g) podatke o radnom iskustvu i instituciji u kojoj je kandidat zaposlen

## **POSTUPAK SELEKCIJE KANDIDATA**

Postupak provjere i ocjene kandidata provodi Komisija koju imenuje direktor Agencije, u dvije faze:

### **Prva faza: formalna provjera:**

- a) blagovremenosti i potpunosti prijave,
- c) ispunjenosti općih i posebnih uslova.

Kandidati koji ispunjavaju uslove boduju se u skladu sa kriterijima iz Priloga I.

Kandidati koji ostvare najmanje 25 bodova pozivaju se na drugu fazu.

### **Druga faza: stručna provjera kompetencija kandidata**

Druga faza podrazumijeva provjeru stručne osposobljenosti kandidata kroz analizu simuliranog disciplinskog predmeta. Kandidatima se prije intervjua dostavlja simulirani predmet koji sadrži opis činjeničnog stanja, relevantne dokaze i pravni okvir za odlučivanje.

Kandidat je dužan da usmeno izloži način postupanja, koji obuhvata:

- a) utvrđivanje i analizu činjeničnog stanja,
- b) ocjenu dokaza,
- c) pravilnu primjenu relevantnih materijalnih i procesnih propisa,
- d) donošenje i obrazloženje odluke u konkretnom slučaju.

Kandidati koji u ukupnom zbiru bodova ostvare najmanje 65 bodova mogu biti uvršteni na Listu.

## **UTVRĐIVANJE I VOĐENJE LISTE**

Na osnovu rezultata provedene selekcije, Komisija utvrđuje prijedlog Liste i dostavlja ga direktoru Agencije na utvrđivanje.

Lista se vodi u elektronskom obliku i objavljuje u „Službenim novinama Federacije Bosne i Hercegovine“ i na službenoj stranici Agencije.

## **STATUS POSTOJEĆE LISTE**

- Lica koja se na dan objavljivanja ovog javnog poziva nalaze na važećoj Listi mogu biti imenovana u disciplinske komisije do dana objavljivanja nove Liste utvrđene po ovom javnom pozivu.
- Radi uvrštavanja na novu Listu, navedena lica dužna su podnijeti prijavu u skladu sa ovim javnim pozivom i podliježu postupku provjere propisanom ovim javnim pozivom.
- Danom objavljivanja nove Liste prestaje važiti ranije utvrđena Lista.

## **ROK ZA PODNOŠENJE PRIJAVA I DOSTAVLJANJE DOKAZA**

- Rok za podnošenje prijave je 15 dana od dana objavljivanja ovog javnog poziva na web stranici Agencije.
- Dokazi o ispunjavanju uslova za prijavu kandidata dostavljaju se u drugoj fazi postupka, na dan zakazanog intervjua, u skladu sa obavještenjem Agencije.
- Neblagovremene prijave neće se uzeti u razmatranje.
- Za kandidate čiji su podaci dostupni u relevantnim evidencijama Agencije<sup>1</sup>, Komisiji je omogućen uvid u iste, bez obaveze ponovnog dostavljanja dokumentacije.
- Agencija zadržava pravo da, prema potrebi, zatraži dostavljanje dodatne dokumentacije ili potvrdu navedenih podataka, o čemu će kandidati biti obaviješteni posebnim obavještenjem.
- U slučaju nejasnoća, dodatne informacije mogu se dobiti putem e-mail adrese: [disciplinska@adsfbih.gov.ba](mailto:disciplinska@adsfbih.gov.ba)

Broj: 04-30-6-397/26  
Sarajevo, 06.04.2026. godine

**DIR E K T O R**

**Refik Begić, magistar uprave, s.r**

---

<sup>1</sup> Registar zaposlenih

## PRILOG 1- KRITERIJI

### I FAZA – FORMALNA PROVJERA PRIJAVE

Kandidati koji ispunjavaju propisane uslove podliježu bodovanju na osnovu objektivnih kriterija koji se odnose na nivo obrazovanja, radno iskustvo u struci i relevantno profesionalno iskustvo u oblastima od značaja za vođenje disciplinskih postupaka.

Kriterij	Sadržaj procjene	Bodovi
Obrazovanje	Procjenjuje se najviši stečeni nivo obrazovanja kandidata u skladu sa uslovima javnog poziva.	<b>max 20</b>
	visoko obrazovanje prvog ciklusa (najmanje 240 ECTS)	10
	drugi ciklus visokog obrazovanja (magistar)	15
	treći ciklus visokog obrazovanja (doktor nauka)	20
Radno iskustvo u struci nakon sticanja VSS	Procjenjuje se dužina radnog iskustva u struci nakon sticanja visoke stručne spreme, u oblastima relevantnim za disciplinske postupke.	<b>max 20</b>
	od 5 do 10 godina	10
	od 10 do 15 godina	15
	preko 15 godina	20
Relevantno profesionalno iskustvo	Procjenjuje se iskustvo u primjeni propisa, vođenju postupaka, radu u komisijama i drugim poslovima iz oblasti državne službe, upravnog postupka, radnih odnosa i disciplinske odgovornosti.	<b>max 10</b>
	bez relevantnog iskustva	0
	učešće u do tri (3) postupka ili predmeta	5
	učešće u više od tri (3) postupka ili predmeta	10

**Ukupan broj bodova u I fazi iznosi najviše 50 bodova.**

**Kandidati koji u prvoj fazi ostvare najmanje 25 bodova pozivaju se na drugu fazu postupka.**

### II. FAZA – STRUČNA PROVJERA KANDIDATA

Stručna provjera kandidata provodi se kroz usmeno izlaganje na osnovu simuliranog disciplinskog predmeta, radi procjene sposobnosti kandidata za samostalno, zakonito, nepristrasno i stručno postupanje u disciplinskim predmetima.

U okviru ove faze vrednuju se stručna znanja, način pravnog rasuđivanja, sposobnost analize činjeničnog stanja i dokaza, te jasnoća i uvjerljivost usmenog obrazloženja.

<b>Primjena propisa i</b>	Procjenjuje se poznavanje i pravilna primjena relevantnih propisa, razumijevanje toka disciplinskog postupka,	<b>max 20</b>
---------------------------	---	---------------

<b>Razumijevanje disciplinskog postupka</b>	procesnih prava i obaveza, te sposobnost zakonitog odlučivanja u konkretnom predmetu.	
	neadekvatna ili pogrešna primjena propisa, uz nerazumijevanje disciplinskog postupka	0–10
	djelimično tačna primjena propisa uz uočene nedostatke u razumijevanju ili obrazloženju	11–15
	potpuno tačna, jasna i pravilna primjena propisa uz potpuno razumijevanje disciplinskog postupka	16–20
<b>Analiza činjeničnog stanja i dokaza</b>	Procjenjuje se sposobnost identifikovanja odlučnih činjenica, pravilne ocjene dokaza i logičnog povezivanja utvrđenog činjeničnog stanja sa pravnim zaključkom.	<b>max 15</b>
	površna, nepotpuna ili nelogična analiza činjeničnog stanja i dokaza	0–7
	djelimično potpuna analiza, uz određene nedostatke u logici ili povezivanju činjenica i dokaza	8–11
	jasna, potpuna i logična analiza činjeničnog stanja i dokaza, sa pravilnim izvođenjem zaključaka	12–15
<b>Kvalitet usmenog izlaganja i obrazloženja</b>	Procjenjuje se jasnoća, struktura, pravna utemeljenost i uvjerljivost usmenog izlaganja, kao i sposobnost kandidata da obrazloži predloženi način odlučivanja.	<b>max 15</b>
	nejasno, nedovoljno strukturirano i neuvjerljivo izlaganje bez pravno relevantnog obrazloženja	0–7
	djelimično jasno i argumentovano izlaganje, uz uočene nedostatke u strukturi ili obrazloženju	8–11
	jasno, logično, strukturirano i pravno utemeljeno izlaganje sa uvjerljivim obrazloženjem	12–15

**Maksimalan broj bodova u drugoj fazi iznosi 50 bodova.**